

Årsmelding

2021

Fusa sokn



A. Innleiing

Året 2021: Korona-år nr. 2

"Menighetsrådet skal ha sin oppmerksomhet henvendt på alt som kan gjøres for å vekke og nære det kristelige liv i soknet, særlig at Guds ord kan bli rikelig forkynt, syke og døende betjent med det, dømte gis dåpsopplæring, barn og unge samlet om gode formål og legemlig og åndelig nød avhjulpet".

«Ordning for Den norske kyrkja» sin § 12

Det er soknerådet sitt arbeid å fokusere på dette, og det er Bjørnafjorden kyrkjelege felleråd si oppgåve å ta seg av forvaltninga av kyrkjer og kyrkjegardar. Men begge råda må samarbeida godt for å gjera kvarande i stand til å gjera godt arbeid.

Korona-pandemien har prega 2021. Nedstenging av arbeidet, delvis oppstart att, nye nedstengingar, nye nasjonale reglar, nye lokale reglar, avstenging av kyrkjebenkar og så nye rundar med nye reglar. Spriting, liste-føring, vasking, avstand, maks-tal og munnbind var ein stor del av kyrkjelydsarbeidet også i 2021. Både frivillige og tilsette har gjort ein formidabel jobb for å halda så mykje som mogleg av aktivitet i gang midt i pandemien. Her i Fusa har me faktisk klart å halda mange hjul i gang i kyrkjelyden, på tross av situasjonen.

B. Gudstenester

Gudstenestene er pulsslaget i kyrkjelyden! I 2021 var det til saman 107 gudstenester og det var totalt 4450 til stades på gudstenestene, mot 4124 i 2020. Gjennomsnittstalet pr gudsteneste var om lag 42 deltakarar og talet på

nattverdsgjester var 883. Desse tala er sterkt prega av pandemien. Store delar av året var det berre lov med opp til 50 deltakarar på gudstenester, og nattverd vart ikkje halden i delar av 2021.



Gamladagars-gudsteneste i Hålandsdalen 24.okt.

Nokre lekmannsgudstenester vart haldne av dei skulerte frivillige medarbeidarane og tilsette, både gudstenesteleiing og tilsette, både gudstenesteleiing og forkyning. På julaftan fekk me gjennomført seks gudstenester med avgrensing i tal deltakarar og med god hjelp av av leke gudstenesteleiarar, frivillige musikarar og andre frivillige medarbeidarar.



Hålandsdalen musikklag – trufast tonefølge på julafta

C. Trusopplæring

Trusopplæring har vore eit satsingsområde gjennom mange år – og aldersspekteret er 0-18 år!

Vi skil mellom kontinuerlege tiltak som er t.d. søndagsskule, kor m.m og breiddetiltak i

trusopplæringa. Det har tradisjonelt vore god oppslutning om trusopplæringsarbeidet i Fusa, men oppslutninga har dalt litt dei seinaste åra. Det er ei stor oppgåve å skape medvit hos foreldra om at dåp og opplæring høyrer uløyseleg saman, slik at deltaking i trusopplæringa kan verta normalisert for alle døypte.

Pandemien har ramma trusopplæringa vår hardt. Mykje av det vanlege barne- og ungdomsarbeid har vore delvis eller helit nedstengd i lange periodar. Me må berømma trusopplæringsmedarbeidarane våre som har kome opp med nye kreative tiltak som ein har kunna gjennomføra. Dette fekk me gjennomført:

Musikk frå livets begynnelse (0-2 år) vart delvis gjennomført både inne og ute vinter og haust.

3 år – Pakke med adventskalender.

4 år – eit tilbod til alle døypte 4-åringar.

Utdeling av Barne-Bibel i lokalkyrkja klarte me å gjennomføra hausten 2021.

5 år – Hausttakkefest (gudsteneste) saman med 4-åringar. Utdeling av korssmykke

Konfirmantåret – eit omfattande tilbod til alle 14-åringane. Me fekk gjennomført det meste av det som stod på planen og konfirmantane delte seg på 13 konfirmasjonsgudstenester vår og haust. Nytt konfirmantår kom i gang på hausten og fekk gjennomført ein del av det som stod på planen.

13-18 år – Ungdomsgudstenester

Alle som har eit års dåpsdag får tilsendt spisebrikke og to års dåpsdag «God-natt»-plakat

Av spesielle ungdomstilbod i 2021 kan nemnast:

- Ungdomsgudstenester
- Oppstart av KLUBBEN for tweens 5.-8.klasse



Konfirmantleiren hausten 2021

Fusa Soul Children og Fjordn`n barnekor har blitt ramma av pandemien, men barnekoret fekk starta opp att i haustsemesteret. Fusa Soul Children har ikkje fått sett i gang att som kor, men ein fekk i gang ei prosjekt-korgruppe for den aldersgruppa inn mot jul.

Barnekoret "Songbuketten" har hatt nokre samlingar – ein flott gjeng og eit kjekt tilbod for barn i søre Fusa.

Søndagsskulen i Fusa kyrkje under høgmesse har nesten ikkje vore i drift i pandemi-tida.

NOAH, friluftsklubben for gitar 5.-8. klasse, har òg hatt utfordringar i pandemien, men flinke leiarar har trass dette klart å laga i stand fleire klubbkveldar for gutane i 2021. Klubben har gjennomgått eit generasjonsskifte og har samla litt færre gitar det siste året. Vonleg tek dette seg opp når pandemien slepp og ein kan ha meir jamlege samlingar.

Dåpsperm og CD

Alle som døyper borna får utdelt ein lokalt tilpassa dåpsperm og CD med lokale song- og musikk-krefter.

D. Diakoni

Diakoni er kyrkja si omsorg for medmenneske. Fordi Gud har elska oss først.

Diakoni-arbeidet spenner over heile arbeidsfeltet til soknet, inn i alt me gjer. Fusa frivilligsentral, som soknet eig, vart starta opp som ein del av soknet si diakonale teneste.

Nokre konkrete aksjonar/tiltak har ein hatt i 2021:

Matgåve-Matglede: Samarbeid mellom kyrkja, frivilligsentralen, Nav og Fjord'n Senter: 29 matkassar med julemat vart delte ut til personar og familiar som hadde meldt behov. Mat for nesten 70 000,- vart delt ut.

Diakonigruppa i kyrkjelyden delte ut **helsingar/julekorgar** til oppmuntring til dei tilsette ved skular og institusjonar i Fusa-bygdene. Det vart òg delt ut lys og helsing til dei som sit igjen åleine etter dødsfall siste året.

Det vart laga til og delt ut «**Påske-helsingar**» til familiar i soknet.

Gjennom gravferd vert det utført diakoni, elles skjer det meste av diakonien uorganisert gjennom einskildmenneske som stiller opp for andre. Det skjer gjerne i regi av frivilligsentralen og gjennom barne- og ungdomsarbeidet. Det er særleg grunn til å peike på frivilligsentralen sitt store arbeid i dette stykket.

Frivilligsentralen har eiga årsmelding som syner deira store breiddeengasjement. Ein vil her også nemne Bruktbuo og arbeidet som spring ut derifrå – viktig nettverksbygging – og inntekter derifrå kjem både brannskadde born i Etiopia til

gode og det kristne barne- og ungdomsarbeidet lokalt.

Vigsel. Det var 4 vigslar i 2021.

Gravferd. Det var 41 kyrkjelege gravferder i 2021. Gravferdene er såleis ein vesentleg del av dei kyrkjelege tilsette si teneste.

Besøksteneste - I samarbeid med frivilligsentralen har ein tilbod om besøksteneste. Lokalt er truleg einsemd mellom gamle og sjuke den største diakonale utfordringa vi har, og korona-situasjonen har bidrege til større einsemd enn vanleg. Men pandemien har òg gjort besøksteneste vanskeleg å gjennomføra.

Naudhjelp – Det mest kjende er den årlege fasteaksjonen til Kirkens Nødhjelp, som i 2021 gav kr.39.000,-

Institusjonstenester - Det vart gjennomført 43 institusjonsandaktar og mange besøk til enkeltpersonar på institusjonane.

Rusførebyggjande arbeid - Det rusførebyggjande arbeidet skjer særleg på ungdomsnivå – gjennom soknerådet sitt konfirmantarbeid og ungdomstilbod.

Flyktningar

Det kjem nokre få flyktningar til soknet vårt år om anna. Kyrkja har fått beskjed frå kommunen når det har kome flyktningar som har kristen bakgrunn, slik at me kan freista å inkludera dei i vår kyrkje. Her er me avhengige av at enkeltpersonar i kyrkjelyden har ynskje og kapasitet til å bira – og nokre har gjort det. Same kva religiøs tilknytning flyktningane har, må vi gjere vårt for at dei skal føle seg velkomne og finne seg vel til rette hos oss. Frivilligsentralen er aktive i integreringsarbeidet i samarbeid med andre.

E. Misjon

Frå 2012 har vi hatt eitt, samla misjonsprosjekt i Fusa – elevstipend til studentar ved Tabor utdanningscenter i Hawassa i Etiopia. Dette gir ungdom som elles ikkje ville hatt høve til det – eit Bibelskule- og utdanningstilbod. Frå 2016 har Fusa kyrkjelyd dessutan finansiert skulepengane til to studentar ved Tabor Utdanningscenter. Det vart samla inn om lag kr.26.399,- til elevar og studentar i 2021 (kr.15.094,- i 2020 og kr.28.500,- i 2019).

Frå sommaren 2016 har Fusa sokneråd også engasjert seg i arbeidet for å hjelpe brannskadde born i Etiopia – gjennom Children Burn & Wound Care Foundation (CBWCF) og dr Einar Eriksen sitt arbeid. I 2021 hadde me ikkje storaksjon, men samla likevel inn 122 000,- til dette prosjektet.

F. Anna kyrkjelydsarbeid

Forbønstene – Fusa sokn har eigen bønkontakt som enkeltmenneske kan ta direkte kontakt med for forbøn.

Bønkontakten har eit bønenettverk som blir involvert når enkeltmenneske ønskjer det. Sjølv sagt kan ein også ta kontakt med prest eller andre i kyrkjelyden som ein har tillit til – om det er ønskje om forbøn.

Forbønstene er aktiv.

Det er faste bønnesamlingar annankvar onsdag frå kl 17.30 til 18.00 på forskjellige stader i kommunen; Foer bedehus, Nordtveit bedehus, Eikelandsosen bedehus og i Hålandsdalen kyrkje. Viktige samlingar der ein regelmessig ber for og velsignar det som skjer i dei forskjellige bygdene. Desse samlingane har ein i stor

grad kunna halda fram på tross av pandemien.

Kveldsbibelskule – Som i 2020 har ein i 2021 arrangert undervisningskveldar på Eikelandsosen bedehus, ein onsdagskveld i månaden. Dette starta som eit kurs med påmelding, men har i 2021 vore opne for alle. Sokneprest Einar, kapellan Anette-Emilie Gangstø og kyrkjelydspedagog Norunn Rød Markhus har undervist. Tilbakemeldingane på dette tiltaket er veldig gode.

Alpha

Soknet har i 2021 arrangert senior-Alpha, d.v.s. alpha-kurs torsdag føremiddag – primært for pensjonistar. Eit godt tilbod med gode frivillige hjelparar som har hatt god deltaking.

Bibel- og samtalegrupper – der er fleire bøn- og samtalegrupper – nokre av desse er kome i gong etter initiativ frå soknerådet. Ta kontakt med soknepresten om du ønskjer å vere med i ei slik gruppe.

Kvinnernes Internasjonale bønndag -

Kvinnernes Internasjonale bønndag er første fredag i mars kvart år. Dette har vore markert i Fusa i mange år. I 2021 hadde ein samling både i Eikelandsosen bedehus og Foer bedehus. Dette er eit økumenisk tiltak.

Felleskyrkjeleg arbeid

Soknet har godt samarbeid med kristne lokale lag og organisasjonar; m.a. bedehus, barne/ungdomsklubbar og kor.

Kyrkjemusikk 2021

Ved ein del gudstenester hadde kantor ansvar for innslag av lokale kor eller solistar. Kyrkjekoret var med på nokre av dei. Koret «Sine Nomine», også leia av kantor, deltek òg på gudstenester m.m. Sine Nomine si deltaking på «Nine lessons and carols» 4. søndag i advent var eit musikalsk høgdepunkt i soknet i 2021. Korarbeid har også i 2021 vore sterkt ramma av pandemien.

To julekonsertar, i Strandvik og i Hålandsdalen, vart gjennomførte. Resten av dei planlagde julekonsertane vart avlyste p.g.a. nedstenging.

Informasjon

Fusa kyrkjeblad vart gitt ut 6 gongar i 2021. Dessutan er ein bevisst bruken av lokalmedia med annonsering og informasjon. Kyrkjelyden er aktiv på Facebook. Søk opp Fusa sokn. Ein har også bygd opp ein base der ein sender ut SMS 1-2 gongar pr veke. Der er om lag 170 mottakarar av SMS ved årsskifte. Fusa sokn har og ei nettside på Den norske kyrkja sin plattform. Søk på: www.kyrkja.no/fusa.

G. Samarbeid skule, barnehage og kyrkje

Det har vore eigen plan for samarbeidet skule – barnehage – kyrkje – som er vedteken av gamle Fusa kommune og sokneråd. I 2021 har ei gruppe bestående av kyrkjelydspedagoen i Fusa, kateketen i Os og ein representant for kommunen starta arbeidet med ny felles skule-kyrkjeplan for Bjørnafjorden. Aktuelle tiltak å vidareføra kan mellom anna vera julevandring, påskevandring, pinsevandring, "Sjekk kyrkja", skulegudstenester i adventstida. «Vandring gjennom bibelen» som ein har

hatt som tilbod i Fusa i mange år, kan ikkje gjennomførast i skulen lenger fordi læreplanen i skulen er endra.

Lite skule-kyrkje-samarbeid har vorte gjennomført i 2021 p.g.a. pandemien.

H. Medarbeidarskap

Tal uløna medarbeidarar har vore stabilt omlag 140 dei seinare åra. Desse saman med dugnadsfolk reknar ein med *utfører to til tre årsverk* kvart år. Det er ei stund tilbake i tid ein berekna den samla tidsbruken. Me ser at det er større og større utfordring å få frivillige medarbeidarar som kan gå inn å ta leiaransvar, òg å binde seg over tid! Medarbeidarskap har over tid vore eit av satsingsområda til soknerådet. I 2021 var det registrert om lag 50 frivillige medarbeidarar som på rundgang tok del i førebuing og gjennomføring av gudstenester i soknet. På grunn av ekstra smitteverntiltak, har ein hatt bruk for ekstra mange frivillige for å klara å gjennomføra gudstenester også i 2021. Og folk har stilt opp – det er me takksame for. Ein del frivillige deltek i trusopplæringsarbeidet og i barne- og ungdomsarbeidet generelt, tillegg kjem frivillige som tek del i det diakonale arbeidet, familie-mix, komité- og utvalsarbeid, og anna arbeid som t.d. kakebaking og kyrkjeskys. Soknerådet vedtok i 2021 ny «Plan for medarbeidarskap» med fokus på dei uløna medarbeidarane. Planen gjeld for perioden 2022-2025. I 2021 vart desse særskilde tiltaka for og saman med frivillige medarbeidarar gjennomført:

- Utdeling av Bibelleseplan for kyrkjeåret des. 2020 – nov. 2021
- Jubileumsforestilling Hans Nilsen Hauge 250 år

Utval

Soknerådet har formelt oppnemnd 8 fagutval, 5 kyrkjeutval og 1 gudstenesteutval. Ein god del av fagutvala har ikkje fungert dei seinare åra, og ein har kanskje arbeidd meir med ressursgrupper. Alt utvalsarbeid er frivillige tenester. Soknerådet har dessutan oppnemnt ulike kontaktpersonar, m.a. til forbønsteneste og Kirkens Nødhjelp. Soknerådet ynskjer å gå gjennom utvalsstrukturen for å sjå om ein finn betre løysingar for ein del område, også med tanke på at ein no er eit reindyrka kyrkjelydsråd.

J. Soknerådet sin økonomi

Årsmeldinga viser til budsjett og rekneskapsrapport for 2021. Fusa sokneråd har etter tilhøva tilfredsstillande økonomi, p.g.a. at ein har litt reserver på bok i tilfelle trange tider. Men desse små reservane forsvinn fort viss ein må tæra på dei fleire år på rad. Difor er det viktig for soknet å halda oppe fokuset på gjevarteneste og at det er kyrkjelyden i lag som held aktivitetsnivået på eit høgt nivå gjennom gåver.

Og fusingane har verkeleg vore med å gitt i 2021 òg:

- Elevstipend Tabor inkl studentane Kassa og Shimelis: kr. 26.399,-
- Brannskadde born i Sør-Etiopia: ca kr. 122.000,- inkl overføringar frå Bruktbuo
- Diakoni i Fusa: kr. 68.000,-

- Kirkens Nødhjelp: kr. 44.000,-
- Eksterne offer: kr. 70.872,-
- Offer til kyrkjelydsarbeidet: kr. 10.929,-
- Offer til barne- og u.arbeidet: kr. 37.172,-
- Gåver til barne- og u.arbeidet: kr. 155.926,- inkl. overskot frå Bruktbuo
- Kyrkjeblad: kr. 80.963,-

Fusa sokneråd har hatt tradisjon for å vere blant dei kyrkjelydane i Noreg som har samla inn mest midlar (pr innb) til både eksterne og interne føremål, kanskje også i 2021, sjølv om me òg har hatt nedgang p.g.a. pandemien.

K. Organisering og endringar

Administrativt og personalmessig har det vore nokre endringar i 2021. Frå 1. jan 2021 er Kristne Fjeld tilbake i kyrkjeveerjestillinga etter morspermisjon. Stefan André Svendsen avslutta vikariatet sitt då Norunn Rød Markhus kom tilbake til kyrkjelydspegogstillinga etter å ha hatt permisjon p.g.a. misjonsteneste i Kenya. Endre Tveit avslutta si teneste i soknet etter 6 år. Endre var konsulent den siste tida, og ny konsulent frå 1. august 2021 er Ingebjørg Sundfjord Gjørn. Petra Dahlström avslutta si teneste som trusopplæringsmedarbeidar 1. august 2021. Frå same dato starta Eirun Fonneland i den stillinga; som kyrkjelydsmedarbeidar.

Fusa sokneråd 2019-2023

Fusa sokneråd 2019-2023 består av: Bodil Samnøy, Roald Samnøy, Sigbjørn Sundfjord, Toril Hjartåker Hauge, Lars Erik Dalland, Olaug Elise Mjelde, Roger Hoel og Stina Samnøy Skare. Varamedlemmer: Britt Mari Gjerde, Jan Ole Høiby Hansen, Øyvind Nordbø, Samson Øpstad og Marte Hafstad-Johansen.

Sigbjørn Sundfjord har vore leiar og Olaug Elise Mjelde nestleiar for Fusa sokneråd i 2021. Soknerådet har vald to medlemmer til Bjørnafjorden kyrkjelege fellesråd, Roald Samnøy og Lars Erik Dalland. Desse er valde for fireårsperioden. Jon Håkon Øen frå Os erstatta Roald Samnøy som leiar for fellesrådet f.o.m. november 2021.

L. Fusa sokn framover

Gud til ære – fusingar til gagn!

Det er det me er kalla til som kyrkjelyd.

Då må me be om at vårt arbeid og det me

legg til rette for i Fusa, byggjer Guds rike.

Me ynskjer å styrka alle deler av arbeidet

vårt, men kanskje må me ta nokre viktige

prioriteringar og. Det er ikkje sikkert at

kyrkja vår i Fusa ser lik ut i framtida som

den var før. Tidene og landskapet endrar

seg, med Guds ord til oss er det same.

Me bed om

- *Vekst i kyrkjelyden vår*
- *Gode, trygge fellesskap i kyrkjelyden vår*
- *Eit disippelgjerdande barne- og ungdomsarbeid i kyrkjelyden vår*
- *Eit sterkt misjonalt fokus i kyrkjelyden vår*
- *Eit sterkt misjonalt fokus ut i verda i kyrkjelyden vår*
- *Diakonal tanke og handlekraft i kyrkjelyden vår*
- *Ei evangelisk og styrkjande forkynning i kyrkjelyden vår*
- *Å få vera ein inkluderande kyrkjelyd.*

Utsikt frå Hopsliheddo

*Bilde: Harald Hope,
Fusakalenderen 2022*



Hans Einar Markhus

Dagleg leiar Fusa sokn

Eikelandsosen 15.02.2022

Sigbjørn Sundfjord

Leiar Fusa sokneråd